

三日三夜冥陰不解五老上帝上奏天尊曰
今日侍座所未曾見天尊教則致山海靜
默天地肅清今日白曰陰暝天地惶懼臣等有
疑不審何故天尊告曰今日諸天發瑞靈應
自然玉宇煥爛障蔽天光咸令四座瞑目以
俟俄頃天炁頓啓暝暗豁消五色光明洞照
十方各有靈書字方一丈見於空虛之中文
彩煥赫八角垂芒精光晃目不可得看天尊
普告衆真曰此靈書八會字无正形其趣宛
奧爾等難可看詳乃命天真皇人注書其字
解釋其音以賜太上道君總二百五十六字
道君撰次成文是謂大梵隱語因序而載二
章之後皇人者嘗於黃帝時下降峨嵋山授
帝以三一五芽之法復升於天也右以內音
經合列仙
傳定
此章

靈寶无量度人上經大法卷之二

靈寶无量度人上經大法卷之三

霜二

修誦瓊編品

修誦存思章

玄師曰凡欲誦誦並依神化於靜室中目
想四方三十二天名色雲炁交沓之中有
宮觀樓殿天帝衣天色之衣冕服一一分
明即存神自太皇天為始先叩齒一通心
拜訖次太明天三十二過畢即閉目靜思
三田出玄元始青黃白三色雲炁並如絲
漸離身雲炁濃厚先交絡一形次纏映所
坐几及席經席无不同徧次齋鬱旋繞一
室然後出外圍布一方良久冥合天地次
存青龍出肝立左白虎出肺立右朱雀出
心在前玄武出腎在後獅子出脾下丹田
十二隻列於左右想白鶴自臍沉九出九
隻圍列四向方存眉後六合宮中有日月
出自二目去面九寸光照室內洞微煥明
次存日月光凝景圓在大椎骨頭之戶頭
成九色圓象如虹蜺之狀照耀光映十方
如此分明元始密祝有心祝微祝密祝心

祝則心中神存意祝也微祝則自己可聞
其聲也密祝口言而已與外人俱不可曉
其聲也十徧為一過十過為一轉誦則下
聲而誦之誦則朗吟以誦聲十言一嚙津
百言一啄齒燕津則養炁而潤澤內宮水
齒則集炁而和神外保不空尸場神也錯
一字前覆三十字以誦之越一字再覆五
十字以誦之十徧一存思終篇可食息凡
起居移時食畢皆再思如法不可混淆雜
言心馳他境口不崇於上道高聖至真之
法心不來於三寶君師父母之文志不敬
於翠玉華珍寶章形不禮於香火朝修拜
跪口誦心馳形存志別徒音聲以取聽遂
捷利以數數差前訛字輕誦神文何萬徧
而望駕雲辨雖億數而返沉點憲徒咎道
為虛語豈不知其自致須是受於師匠必
然誦合天規若萬徧不登太空我道坐招
違罪之尤終无仙真之位可證手受誦之
子宜勉志馬无犯輕誦輕世之罪犯之非
道不慈天有明憲神不敢私

誦誦存念詳式

每遍誦經行持之日先洒掃淨室齋戒身心入室東向平坐燒香叩齒十遍勿令耳聞點念

淨口呪

丹朱口神吐穢除氛舌神正倫通命養神羅千齒神却邪衛真喉神虎賁死神引辟心神丹元令我通真思神鍊液正炁長存

次瞑目靜存東方青龍吐雨合月華白炁及清水如大海中浴洗去五臟穢濁良久存南方降真火同日精赤炁合於心火燒身并道室及爐並无纖毫煙穢即覺大風吹盡塵垢即存丹田內嬰兒自地戶步斗登壇點念

淨天地呪

洞中玄虛晃朗太元八方威神使我自然靈寶符命普告九天乾羅答那洞罡太玄斬妖縛邪殺鬼萬千中山神呪元始玉文持誦一遍却鬼延年按行五嶽八海知聞魔王東首侍衛我軒凶穢消蕩道炁長存

微吸四方真炁吞吹攝身從東方為始點種十方東向想丹田內嬰兒點念

開經玄蘊呪

寂寂至无宗 虛峙劫仞阿 豁落洞玄文 誰測此幽遐 一入大乘路 孰計年劫多

不生亦不滅 欲生因蓮華 超陵三界徒 慈心解世羅 真人无上德 世世為仙家

即自頭頂至乘昇上清次閉目靜思三十二天自北維起太皇黃帝天由東及南以至四方各有八天在青霄之中紫雲之內

金樓玉殿之中東方想在左耳上縫西方想在右耳上縫南方額前北方腦後每天之中各見天宮樓觀帝君儼然而坐侍衛羅列下灌一天之炁如玉霞之暉入我身中每到一天先默叩齒一通運心神上聞一天帝卑心拜一過三十二天周竟次想上丹田印出青炁中丹田心出白炁下丹田印出黃炁與外東方青炁西方白炁南方赤炁自逐方而降混令身中三色之炁照映滿室我坐其中雲炁洞徹于一身五

臟之間內外翳翳如坐百寶光中又思肝中青炁從左耳出為青龍侍于左肺中白炁自右耳出為白虎衛于右心中赤炁從頂門出為朱雀導于前腎中黑炁從足出為玄武從于後獅子出下丹田白鶴出

第二

兩眉之上各六六隻導前五童玉女侍經凡紫之側羅列左右次存六宮之腑即如日月自其中出紫赤九芒耀我鼻中徑入金華宮印自紫微玉梳之宮頂上化生九色圓象如虹霓之狀光映洞徹十方至境想嬰兒在丹田中密咒至无量度人即叙誦說之意後誦至元始上帝几前畢即引三十二天之炁周竟十方微音誦經十過凡引炁時依前自皇曾云為始皆鼻引而嚥之也如東方八天之炁存喉肝膽之間其精化生元英公子住於肝中南方八天之炁存喉心胞之間其精化生司命住於心中西方八天之炁存喉臟腑皮膚之間其精化白元尊神住於肺中北方八天之炁存喉腎臟骨節之間其精化

桃康君住於臍下

正月行持止六月一同七月行持止九月

一同十月行持止十二月一同

正月是下丹田行持七月是中丹田行持

十月是上丹田行持謂之三田亦曰三宮

升降

正月行持自己嬰兒自丹田中隨三色雲

悉而上下田躋下行持如一

七月行持自己嬰兒自丹田中隨三色雲

悉而上中田心上行持如一

十月行持自己嬰兒自丹田中隨三色雲

悉而上上田印堂行持如一

誦詠式

皇人白凡誦經行道須佩真符而行此道

則萬神敬從矣行道之日者謂應是誦經

之日皆當沐浴也香湯五香之湯也以白

芷青木香沉香白檀香甘松香各以二十

四錢治下篩用東流長泉一石煎數沸先

當解衣燒香於左就座存日光華五色交

錯入於五香湯中存五方五色仙童五人

玉女五人燒香散華執巾執水左右即以
杓攪水三十二下臨水呪曰

五香玄泉日月華英澡鍊身形去濁留清

尸塵滅落臟腑光明穢惡蕩除胎劫散根

策空乘虛飛入上清沐浴符

呪畢叩齒三十二通先取飲一器溫沫自

適次以別器沐浴呪曰

太帝散髮使我長生左為隱月右為日根

今日清鍊百神受恩

呪畢沐髮了拂髮呪曰

日月之華流精泥丸沐養九宮百神忻懼

尸邪滅落真師下觀賜受神虎得為帝賓

呪畢結髮浴身又三清諸法及仙人下遊

有煉尸之素漿桃皮四兩竹葉二兩內白

淨清虛之物煎湯沐浴勝於其餘雜法所

是青木香阿母大有三奇經云乃玉節之

清香開塵濁之穢亦曰五香之湯如誠奏

上玄得以焚之開通塵穢使通霄漢浴訖

冠帶呪曰

今日吉慶上合帝恩塵穢以清尸魂况論

罪垢業厄表裏蕩清時日吸月步躡九晨
回旋三台周遊五星佩符散章鳳衣虎裙

手執玄文誦詠洞靈聲徹太霄五帝回軒

賜我明書登昇上清

呪畢冠帶如常凡遇服食湯劑仙藥呪曰

謹請五方五靈老君召出天醫扁鵲官吏各

五十人當令臣服藥身得離病病得離身駕

魁乘罡登昇上天敷遊九地命祿俱榮長生

不死與道合真

呪畢西東服之

凡修此道誦詠玄文舉止庠雅動合威儀

若踈羸爾狂見神切莫三官司過糾其失

規故視兆之齋戒科條既言道士者非道

士之模範不行凡言真人者非真人之規

不習呪學士手臨食呪曰

百穀五味流入脾胃五臟安寧尸邪亡墜

七祖安寧長生久視

呪訖叩齒三十二通嚥液九過方食食宜

午時前勿食酉時後臨食勿言死食勿久

露午前天神食可後見魔喃言死生疾病

久露來邪惡故其人斬殺入山以求升仙之要臨臨呪曰

天有九星地有九宮我有百節萬神相從三尸伏藏五臟流通三田四肢動息守中龍虎八卦侍我瓊容鬼妖萬精勿干真管

叩齒二十四通呪訖又叩齒如上凡卧勿開口勿尸眠上道水冠法服器皿勿假人服黑守三一誦玄文者尤忌之

臨園叩齒三通呪曰

左德神右清神左有司士夫人右有六丁辟穢邪除我死籍上我生名

叩齒三通勿喫唾勿向北勿仰視三光勿男女混登皆致不祥

出門呪曰

出陰入陽四道開明八神六甲隨我利貞

日月使贊頭帶七星

叩齒七通存七星在頭星指前

沐浴符

六

太上神水

巳

真炁流行

明

陰陽合明

神場步靈 淨 穢惡清淨 清 殂落死名

安壽戶 久視長生 與道合并




沐浴呪曰 念呪三遍 三河攪水

金醴玉津 澡盥身形 玄水洗穢 清淨元辰 七靈侍衛 萬炁開陳 志慕清虛 列象玄明

正月誦經真符

玉几玄珠 流降心印 百神拱衛

萬壽軒 飛梵綸 加公兌 通幽達靈




七月誦經真符

金簡 龍章 煥映 太玄

五行 回旋 金洞 玉房


度命 延年



十月誦經真符




真元散敷 朝煥九衝 神變帝臺

光響太極 周行六合 飛昇仙都




右符一名曰長生久視玉帝寶籙

八節誦經真符



已上四符於靖室內青地朱書行持勿與人語修真之士素地丹書長生日面東南火化淨水調服

本命日誦經真符



右符名曰神霄玉清仙王降真靈符

焚符誦玉帝呪曰

神靈天真玉清元真上清華房元始老君
妙入太霞光耀玄文七神飛泉北鄩受煙
我位上王辟合魔群八威吐火肅爾尊神
千千去穢凶惡不存萬萬魔王護命翦形
急急如律令命玉帝 呪三編

凡建壇並用灑壇三市
修誦訣驗品

誦二章正經訣


凡誦經之日於淨室中東向設經案坐具
次入室背席面東三禮禮畢退身西北就
席坐炁定即漸漸左轉面東平坐
誦玄蘊呪
咒畢即按手於膝上叩齒三十二通閉目

存三十二天中各見一帝君思念一天名
心拜一天帝從皇曾天為始隨日而轉周
回四方漸漸向上貫奕天總三十二拜形
雖不動隨心屈伏拜畢即思存身在青黃
白三色雲炁之中須臾滿室鬱鬱蕩蕩左
有青龍右有白虎前有朱雀後有玄武獅
子在兩前兩行相望而坐白鶴之數亦同
又在獅子之外日月在後明耀室內項生
九色圓象照徹諸天更覽所存森然在目
默念呪曰

无上玄元太上道君召出臣身中三五功曹
左右官使者侍香金童傳言玉女五帝直符
直日香官各三十二人關啓所言所言者謂 天地日月 星辰國主師文祖先自身先身所 祈之事呪至關啓字下當稱之也今日吉慶
清室修行至經无量度人臣及甲乙甲乙者 當無所 願同上即云臣轉經受生願所啓上徹徑御
无上三十二天
元始上帝至尊几前
咒畢徐徐於三十二天之一天引炁一口
嚙之依前法止則閉目誦二章經畢南向

下席拜禮而退
已上以陳景元義命張萬福訣定此章

靜坐圖



右圖大祭如此但明室內之事不必面南
啓戶也

誦內音訣

誦東方六十四字自重其阿耨至四象呀
真平坐叩齒九通思九色之龍導引前後
青雲九重覆下身形默念呪曰

赤明開圖八炁回真總炁玄門青帝大神
流化九外纏絡我身靈音八書六十四篇

洞明天地與我合仙運至龍駕上升帝轅

呪畢引炁九炁誦之

誦南方六十四字自南闕洞浮至神樓自

宮平坐叩齒三通思朱鳳翔翔其方絳雲

三重覆下身形默呪曰

三炁徘徊靈鳳來飛玉音八字煥爛紫微

吉日大慶我道洞開朱丹哺飴仰吸靈暉

身生水火絳帔羽衣登空玄步足踐鳳梯

周旋八天七祖相隨

畢引炁三炁誦之

誦西方六十四字自刀利釋猷至栢空度

仙平坐叩齒七通思白虎獅子衛護前後

素雲七重覆下身形默呪曰

七炁金靈八天尊神白虎策鞏獅子捧棘

七炁纏絡鍊我成仙身發金光映照素雲

內外變化昇入洞門七祖出夜九幽旋魂

億劫關度隨運長存

呪畢引炁七炁誦之

誦北方六十四字自覆元自育王幽寂度

人平坐叩齒五通思飛龍玄武羽蓋翁鬱

神童玉女羽衣飛雲黑雲五重覆下身形
默呪曰

玄天徘徊流景上清大有啓運八字開明

飛玄澄空洞陰自生五炁纏絡灌我身形

冠帶北單受鍊洞靈腎府北出內外光精

飛行三界遊宴紫庭七祖同福歡樂劫齡

七寶林中返胎更生長夜出離南宮記名

黃籙白簡世世生仙

呪畢引炁五炁誦之

誦諫科條章

上聖已成真人通玄究微

師曰此條章凡世之人誦諫謂通玄究微

能悉其章者獲十品功德

至學之士

師曰謂至人學士誦之獲六品功德

學士

師曰謂世學之士誦之獲三品功德

供養尊禮

師曰謂一切學士行此功德獲五品善功

凡誦是經

師曰亦謂已成真人再言自身功德果報
萬祖苦莫上昇來官休來陵品格九年更
生變化得為貴人自身功德滿日飛升上
清金闕許遊宴玉京也

上學之士

師曰乃至學也止得自身受度飛升南宮
不能功及曾祖也

世人受誦

師曰止得延壽尸解返形太空一身不獲
上度來陵之禍曾祖難生變化

魔王歌音

師曰百編名度南宮十編魔王保迎萬編
飛升太空此是三界歌音非餘文也

有聞靈音

師曰心形歸信諱聽誦者獲九品善采

行是功德

師曰發心修齋燒香誦經者獲二品善果
右別至人

師曰至學之人行是功德克獲為上清後
聖帝君金闕之臣

有知其音

師曰中篇也謂如曉其文功力齊而獲八
品報

此音

師曰中篇之音有辟復度成四種无量成
神之方誦之者獲十品祥應齊全實效心

盟天而傳休玄科四萬劫一傳齊全實實
心依舊格告盟十天然後而付焉

師曰此三條過傳付授授之條五四萬劫
乃舊劫之格自黃帝受圖大禹受符高辛

受天經至太極下教豈有四萬劫也依阿

母降世新格下教之科四百年一出有其
人四十年聽再付四百年共不得過七人

四年有至人亦許一授而三條付授之科
官二章大法及三品誦經之式也其歌音

中篇別有明憲具玄憲仙格

輕誦身則被殃輕泄漏慢致及九祖泄慢墮
地獄禍及七祖翁

師曰此三條統言不齋戒沐浴行香誦經
者獲被殃之罪若輕易忌科妻泄非人編

慢玄矣不依年限而私得或依年限而不
齋戒盟受漏泄秘業與非人使輕慢不信

玄文皆入中科殃及九祖若泄漏輕慢不
以為然巧偽求奇評論聖典曾毀玄文竊
盜天寶皆入此條禍及七祖翁

修誦玄感

師曰誦經欲知其功德合於上玄有一百
五十一種玄感既有玄感則去仙登空有
日若無玄感更宜懺謝端潔一志以玄感
昭應為禳祥

諸天遙唱等十種上聖禳祥

五帝侍衛等六種志學禳祥

伏御地祇等三種學士禳祥

門戶與隆等五種供養禳祥

諸天齊到等十種凡誦者禳祥

皆即受度等二種受誦禳祥

延壽長年等六種世人禳祥

斷地遠役等二種正月誦之禳祥

身得神仙等三種七月誦之禳祥

安鎮國祚等六種十月誦之禳祥

九宮真人等一種本命日誦之禱祥

魂神澄正等十種本命禱祥

閉目靜思等九種入靖禱祥

三五功曹等六種玄局召使禱祥

洞章萬籙等十四種禱祥

天地否終等四種析穰禱祥

末學道淺等三種太陰煉尸禱祥

天地運終等十種修齋行道禱祥

諸天記名等五種行功禱祥

知音誦之等六種禱祥

无所不辟等二十種誦者禱祥

盲者目明等十種內誦生元始聖胎禱祥

玉晨君明十編說經

經 十方元炁

十方

天人炁法

一編 神東方至真大
二編 神南方至真大
三編 神西方至真大
四編 神北方至真大
五編 神中央至真大

安太堂鄉
納善世界
究利城境
兼賢世界
福空洲界
成行世界
鬱重野界
清淨世界
福集那界
長安世界

皆開聰
目明
能言
能言
皆能起行
一久時復形

六編 神東南至真大
七編 神西南至真大
八編 神西北至真大
九編 神上方至真大
十編 神下方至真大

元攝佛
用賢世界
仁攝那界
福德野界
延賢世界
諸天
宮闈
洞章萬籙
重玄宮地靈府
聖曰過黑
密落更生
老者返壯
少者皆強
神人集念
已生未生
地滅發世
金玉露形
枯骨更生
皆起成人

誦二章正經

正月長齋誦誦是經為上世亡魂斷地遠役
度上南宮七月長齋誦誦是經身得神仙諸
天書名黃籙白簡削死上生十月長齋誦誦
是經為國王帝主君臣父子安鎮國祚保天
長存世世不絕常為人君安鎮其方民稱太
平八節之日誦誦是經得為九宮真人本命
之日誦誦是經魂神澄正萬炁長存不經苦
惱身有光明三界侍衛五帝司迎萬神朝禮
名書上天功滿德就飛升上清誦之十編諸
天記名誦之百編名度南宮誦之千編魔王
保迎萬編道備飛升太空若能遇斯辰依訣
持誦上消天災保鎮帝王下攘毒害以度兆
民中拔祖先已身得道可謂巍巍

誦內音驗

東方大梵之音誦之九年八天各以青腰玉
女青華玉童各八人侍衛身形降致青茅九
炁之精身生光明徹見虛无萬編道成飛行
上清七祖同升
南方大梵之音誦之三年八天各以丹霞玉
女太陽玉童各八人侍衛身形降致朱丹三
炁之精反貌留容萬劫不傾七祖超升上入
福堂返胎仙家即得更生
西方大梵之音誦之七年八天各以素靈玉
童八人侍衛身形降致太素七炁之精停年
留貌萬劫童顏慶及七祖升度南宮返胎更
生世世神仙
北方大梵之音誦之五年八天各以太元玉
童八人侍衛身形降致玄滋還年留景保命
三清福及九玄世世飛升
四方內音若能依訣持誦則无所不辟无
所不獲无所不度无所不成飛天下觀上
帝遙唱萬神朝禮三界侍軒振伏群靈肅
清十方道備功成臣事三境
靈寶无量度人上經大法卷之三